



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

**GRADSKO VIJEĆE**

Broj:  
Sarajevo, \_\_. \_\_. 2022. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na \_\_. sjednici održanoj \_\_. \_\_. 2022. godine, primilo je k znanju

Informaciju o implementaciji Plana djelovanja za mlade

**PREDSJEDAVALJUĆI GRADSKOG VIJEĆA**

**Jasmin Ademović**

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba





**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNICA**

**INFORMACIJA**  
**O IMPLEMENTACIJI PLANA DJELOVANJA ZA MLADE**

**Predlagač:** Gradonačelnica

**Obradivač:** Gradska služba za obrazovanje,  
sport, kulturu i mlade

---

**Sarajevo, juni 2022. godine**

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



## UVOD

Programom rada Gradskog vijeća Grada Sarajeva za 2022. godinu planirana je realizacija teme *Informacija o implementaciji Plana djelovanja za mlade* kvartalno, odnosno u mjesecima martu, junu, septembru te decembru. U skladu sa navedenim Programom pripremljena je Informacija o implementaciji Plana djelovanja za mlade za drugi kvartal 2022. godine, a koja predstavlja aktivnosti poduzete u protekla tri mjeseca u skladu sa Planom djelovanja za mlade grada Sarajeva.

Zakon o mladima Federacije Bosne i Hercegovine pod pojmom mladi podrazumijeva osobe u životnoj dobi od navršениh 15 do navršениh 30 godina starosti. Važno je istaći da su mladi, iako zasebna društvena kategorija koja ima svoje potrebe i probleme, integralni dio društva i jako važna podrška razvoju svih zajednica pa tako i grada Sarajeva.

Član 8. Zakona o mladima Federacije Bosne i Hercegovine navodi da odgovorni organi vlasti trebaju mladim osobama putem utvrđenih mjera dati na raspolaganje različite mogućnosti u cilju unaprjeđivanja njihovog razvoja. Pod odgovornim organima vlasti Zakon podrazumijeva općinski, gradski i kantonalni nivo vlasti u Federaciji Bosne i Hercegovine.

Navedeni zakon obavezuje ove nivoe vlasti da odgovorno poduzimaju utvrđene mjere kako bi unaprijedili razvoj mladih ljudi. Pod utvrđenim mjerama podrazumijevaju se mjere predviđene usvojenim dokumentima, kao što su strategija prema mladima i program djelovanja za mlade koji je donijela svaka institucija zasebno na temelju strategije prema mladima.

U skladu s članom 14. Zakona o mladima Federacije Bosne i Hercegovine, općinski, gradski i kantonalni organi vlasti dužni su samostalno osigurati minimum mjera na planu rada s mladima i omladinskih aktivnosti, kao i mehanizme i kapacitete koji, između ostalog, uključuju uspostavljanje stručnog radnog tijela za izradu, ažuriranje i praćenje provedbe lokalnih i kantonalnih strategija prema mladima, a u čijem će radu učestvovati predstavnici vijeća mladih ili omladinskih udruženja.

Općinske, gradske i kantonalne vlasti zakonski su obavezne koordinisati aktivnosti u vezi s radom s mladima i omladinskim aktivnostima. Pod tom koordinacijom podrazumijeva se koordinisanje aktivnosti iz federalne, kantonalne, općinske ili gradske strategije prema mladima, odnosno programa djelovanja za mlade, te povezivanje sličnih projekata i aktivnosti, praćenje uspješnosti u provođenju i postizanju rezultata, vođenje evidencije omladinskih aktivnosti i dr.

Član 8. Zakona o mladima Federacije Bosne i Hercegovine navodi da rad s mladima nude omladinska udruženja, ostala udruženja, neformalne grupe i drugi nosioci rada s mladima iz nevladinog sektora, kao i nosioci rada s mladima iz vladinog sektora. Iz toga zaključujemo da odgovornost za rad s mladima snosi i vladin i nevladin sektor.

Kada je u pitanju nevladin sektor, pod istim podrazumijevamo omladinska i druga udruženja, neformalne grupe i druge nosioce rada s mladima, poput domaćih i stranih fizičkih i pravnih lica koja se bave pitanjima mladih ili su subjekti od značaja za promociju i zaštitu uloge i pozicije mladih, a imaju prava i obaveze u skladu s ovim zakonom.

Uzimajući u obzir gore navedeno, a u skladu sa Zakonom o mladima FBiH, Gradska služba za obrazovanje inicirala je izradu Plana djelovanja za mlade Grada Sarajeva.

Plan djelovanja za mlade Grada Sarajeva je prvi strateški dokument koji objedinjuje i razrađuje ciljeve i mjere kojima Grad Sarajevo želi odgovoriti na razne potrebe i probleme mladih i općenito poboljšati kvalitetu života mladih te strateški podržati Gradsku upravu u radu sa mladima.

Proces izrade dokumenta koordinisala je Gradska služba za obrazovanje, sport, kulturu i mlade uz tehničku i stručnu pomoć Instituta za razvoj mladih Kult, s kojim je navedena služba saradivala i na prvom istraživanju i analizi o problemima i potrebama mladih grada Sarajeva.

Plan djelovanja za mlade Grada Sarajeva 2020.-2024. usvojen je od strane Gradskog vijeća Grada Sarajeva na sjednici održanoj dana 04.10.2019. godine te isti obuhvata sedam oblasti od posebnog značaja za mlade, a to su:

- obrazovanje i nauka mladih;
- rad, zapošljavanje i preduzetništvo mladih;
- socijalna briga mladih;

- zdravstvena zaštita mladih;
- kultura i sport;
- aktivizam (učesće, volontiranje i mobilnost) mladih;
- sigurnost mladih.

## **IMPLEMENTACIJA PLANA DJELOVANJA ZA MLADE GRADA SARAJEVA**

Kada je riječ o aktivnostima koje su u proteklom periodu provedene implementirajući Plan djelovanja za mlade, Grad Sarajevo je posredstvom Gradske službe za obrazovanje, sport, kulturu i mlade, a u skladu sa mogućnostima, podržao nekoliko projekata gdje su mladi bili ciljna skupina te je pružio podršku ovoj populaciji u različitim oblastima.

### **OBLAST OBRAZOVANJA**

<b>Cilj: Mladi Grada Sarajeva imaju osigurane preduslove za nastavak kvalitetnog školovanja i potaknuti su ostati u formalnom obrazovanju</b>
<b>Mjera: Doprinos Grada Sarajeva studentskom/učeničkom standardu</b>

Grad Sarajevo je raspisao **Konkurs za stipendiranje učenika srednjih škola iz Budžeta Grada Sarajeva za 2022. godinu**. Stipendije se dodjeljuju za školsku 2021./2022. godinu, a sredstva za realizaciju obezbijedena su u Budžetu Grada Sarajeva za 2022. godinu. Konačna lista stipendista Grada Sarajeva za školsku 2021./2022. godinu objavljena je 16. maja 2022. godine te su u skladu s istom pravom na stipendiranje od strane Grada Sarajeva ostvarila 352 učenika.

### **OBLAST RADA, ZAPOSŁJAVANJA I PODUZETNIŠTVA MLADIH**

<b>Cilj: Mladi grada Sarajeva potaknuti su koristiti programe samozapošljavanja i preduzetništva</b>
<b>Mjere:</b>
- Promocija postojećih programa za samozapošljavanje i preduzetništvo mladih
- Podrška i olakšavanje pokretanja poslova mladih
- Promocija uspješnih mladih preduzetnika, preduzeća koja zapošljavaju mlade, programa zapošljavanja, samozapošljavanja i startup programa za mlade

Održan je **Munja Business Challenge 2022** – deveto državno takmičenje srednjoškolaca u poduzetništvu u periodu od 08. do 10.05.2022. godine u Sarajevu. Ukupno se takmičilo 60 srednjoškolaca u 12 timova iz cijele Bosne i Hercegovine, a stručni žiri je izabrao 4 najbolja tima koji će predstavljati Bosnu i Hercegovinu na regionalnom takmičenju „Poslovni izazov Zapadnog Balkana” (uz učesće Srbije, Crne Gore i Hrvatske) koje će biti održano od 31.05. do 01.06.2022. godine.

Stručni žiri sastojao se od četiri člana:

Lejla Bešlagić – Grad Sarajevo

Maja Tursunović – Telemach Fondacija

Danijel Petrović – Fondacija Agora

Mirza Rastoder – Hub Homework

Timovi su imali zadatak da osmisle biznis proizvod ili uslugu koja se temelji na recikliranju ili/i ponovnom korištenju otpadaka od hrane s kojima se stvara nova vrijednost. Biznis je morao biti profitabilan, ali i izvodiv u Bosni i Hercegovini.

Četiri tima koji su po mišljenju stručnog žirija najbolje ispunili zadatak i koji će predstavljati Bosnu i Hercegovinu na Poslovnom izazovu Zapadnog Balkana su sljedeći:

#### **TIM 7 – I mjesto**

Mustafa Čelić, Sarajevo

Amin Bešlija, Vogošća

Elma Alić, Srebrenik  
Esma Đulabić, Travnik  
Elmedin Karić, Vitez

**TIM 10 – II mjesto**

Adian Krivić, Sarajevo  
Josip Bevanda, Široki Brijeg  
Adela Kuldija, Sarajevo  
Nejra Halilović, Lukavac  
Dino Burić, Jablanica

**TIM 5 – III mjesto**

Ema Srna, Sarajevo  
Armina Krdžalić, Zenica  
Imran Husremović, Visoko  
Irma Pavlović, Banovići  
Leonardo Jurić, Novi Travnik

**TIM 1 – IV mjesto**

Nafija Kurtić, Sarajevo  
Naida Selak, Goražde  
Emir Dugalić, Tešanj  
Dženana Halilović, Živinice  
Tereza Ivanković, Gornji Vakuf

Grad Sarajevo je uz Hub Homework, Fondaciju Agora, Caribou Coffee, JU Centar za kulturu i mlade Općine Centar Sarajevo i Telemach Fondaciju bio jedan od partnera koji su pružili podršku realizaciji ovog projekta.

**OBLAST KULTURE**

<b>Cilj: Mladi na području grada Sarajeva aktivno koriste kulturne sadržaje i učestvuju u njihovom kreiranju</b>
--

<b>Mjere:</b>
---------------

- Poticanje obrazovanja publike, razvoja kreativnosti i kulturnog stvaralaštva mladih kroz saradnju aktera u društvu
--

JP „Filmski Centar Sarajevo“ d.o.o. obratio se Gradskoj upravi Grada Sarajeva sa molbom za finansijsku podršku projektu „**Besplatno prikazivanje filmova u Free Kinu Valter**“ čiji su organizator. Svrha projekta je promocija filmske kulture među mladima, kao i promocija radova mladih umjetnika. Predviđaju kako će navedena aktivnost potaknuti mlade da steknu korisna iskustva i osnovna znanja o filmskoj umjetnosti te da aktivno, potpuno i odgovorno učestvuju u društvenoj zajednici. Cilj projekta je da veliki broj mladih iz osnovnih i srednjih škola kroz dobro osmišljen program, a na neposredan i zabavan način, usvoji neophodna znanja o filmskoj umjetnosti, historiji bh. filma, te značajnim autorima naše kinematografije.

Association „FabLab“ se obratila Gradskoj upravi Grada Sarajeva molbom za podršku realizaciji projekta „**Sarajevo MakerFaire – Svjetskog sajma nauke, inovacija, tehnologije i kreativnog stvaralaštva**“, a koji će biti održan 28. i 29. maja 2022. godine u Domu mladih te na platou Skenderija. Cilj je popularizirati nauku i obrazovanje među mladima. Maker Faire se prvi put održao 2006. godine u Kaliforniji, a danas ih se održava preko 200 širom svijeta, te je postao dio globalne pop-kulture, kao i prilika za predstavljanje novih tehnologija, inovacija, ali i očuvanje starih vještina i zanata. Izlagачi „Sarajevo MakerFaire“ bit će raspoređeni u nekoliko grupa: STEM zona, LAB-ovi, EDU zona, MAKERS, Arts & Crafts, START UP zona i tehnološke kompanije.

U povodu obilježavanja Dana grada Sarajeva – 6. aprila, Grad Sarajevo je sa JU Srednja škola primijenjenih umjetnosti Sarajevo saradivao na realizaciji **projekta „Mostovi moga grada”**, a koji potiče kulturno i umjetničko stvaralaštvo mladih. Izložba najuspješnijih radova bila je otvorena od 6. do 13. aprila u galerijskom prostoru škole. Veliki broj posjetilaca je u danima trajanja izložbe posjetio ovu izložbu te su bili oduševljeni učeničkim radovima i ljubavi prema Sarajevu iskazanoj kroz likovna djela ovih mladih umjetnika. Od 25 izabranih radova, komisija se odlučila za najbolja tri likovna rada, a to su:

**PRVA NAGRADA** – Emina Muratović – JU SC Nedžad Ibrišimović

**DRUGA NAGRADA** – Nedim Sadiković – JU Srednja škola primijenjenih umjetnosti Sarajevo

**TREĆA NAGRADA** – Almedin Mešić – JU Srednja škola primijenjenih umjetnosti Sarajevo